

**PRAVILNIK
O ODOBRAVANJU I DODJELI SPECIJALIZACIJA I BLIŽIM KRITERIJIMA ZA
PRIJEM SPECIJALIZANATA NA SPECIJALIZANTSKI STAŽ NA UNIVERZITETU
U SARAJEVU - STOMATOLOŠKOM FAKULTETU SA STOMATOLOŠKIM
KLINIČKIM CENTROM**

Sarajevo, decembar 2023.

Na osnovu Zakona o zdravstvenoj zaštiti ("Službene novine Federacije BiH", br. 46/10 i 75/13), Pravilnika o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“, br. 75/20) i Plana i programa specijalizacija za doktore stomatologije, Pravilnika o kriterijima za prijem specijalizanata („Službene novine Federacije BiH“, br. 102/13 i 55/14), člana 111. Statuta Univerziteta u Sarajevu, Vijeće Fakulteta na svojoj sjednici održanoj dana 08.12.2023. godine, donosi:

**PRAVILNIK
O ODOBRAVANJU I DODJELI SPECIJALIZACIJA I BLIŽIM KRITERIJIMA ZA
PRIJEM SPECIJALIZANATA NA SPECIJALIZANTSKI STAŽ NA UNIVERZITETU
U SARAJEVU - STOMATOLOŠKOM FAKULTETU SA STOMATOLOŠKIM
KLINIČKIM CENTROM**

I OSNOVNE ODREDBE

**Član 1.
(Predmet Pravilnika)**

Pravilnikom o odobravanju i dodjeli specijalizacija i bližim kriterijima za prijem specijalizanata na specijalizantski staž na Univerzitetu u Sarajevu – Stomatološkom fakultetu sa stomatološkim kliničkim centrom (u nastavku teksta: Pravilnik) utvrđuje se odobravanje i dodjela specijalizacija, način prijavljivanja kandidata, davanja saglasnosti i kriteriji za rang listu kandidata za prijem na specijalizantski staž na Univerzitetu u Sarajevu - Stomatološkom fakultetu sa stomatološkim kliničkim centrom (u nastavku teksta: Fakultet).

**Član 2.
(Definicije)**

- (1) Zdravstveni radnici su doktori stomatologije (dentalne medicine) koji se mogu stručno usavršavati u obliku specijalizacije u skladu sa Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“, br. 75/20) i Planom i programom specijalizacija za doktore stomatologije.
- (2) Specijalizacija je organizirani oblik sticanja teoretskih i praktičnih stručnih znanja i naučnih saznanja prema propisanom programu koji donosi Federalno ministarstvo zdravstva.
- (3) Na Fakultetu specijalizantski staž mogu obavljati specijalizanti koji se specijaliziraju za potrebe Fakulteta, a koji su radnici Fakulteta, specijalizanti koji su upućeni na obavljanje specijalizantskog staža od strane druge zdravstvene ustanove ili privatne prakse, te specijalizanti koji se prijavljuju na lični zahtjev.

II POSTUPAK ODOBRAVANJA I DODJELJIVANJA SPECIJALIZACIJA

**Član 3.
(Godišnji plan potrebnih specijalizacija)**

- (1) U cilju održivog kadrovskog planiranja specijalističkih ljudskih resursa u zdravstvenom sistemu Federacije BiH, te cijeneći objektivne godišnje mogućnosti obavljanja specijalizantskog staža na nivou Fakulteta, svake godine donosi se plan broja specijalizanata po specijalizacijama koji mogu pristupiti obavljanju specijalizantskog staža.
- (2) Po zaprimljenom zahtjevu od strane Ministarstva zdravstva Kantona Sarajevo za iskazivanjem potreba za dodjelom specijalizacija, Fakultet, na osnovu iskazanih potreba klinika, dostavlja godišnji plan potrebnih specijalizacija (u nastavku teksta: plan) Ministarstvu zdravstva Kantona Sarajevo.

- (3) Ministarstvo zdravstva Kantona Sarajevo u skladu sa Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“, br. 75/20) dostavlja konačan prijedlog godišnjeg plana potrebnih specijalizacija Federalnom ministarstvu zdravstva do kraja mjeseca septembra tekuće godine za narednu godinu.
- (4) Federalno ministarstvo zdravstva utvrđuje godišnji plan potrebnih specijalizacija za područje kantona do kraja mjeseca decembra tekuće godine, za narednu godinu.
- (5) Plan iz stava (1) ovog člana se donosi na osnovu raspoloživih resursa Fakulteta, što podrazumijeva raspoloživi stručni kadar, opremu, broj glavnih mentora i komentora, te drugog osoblja potrebnog za obavljanje specijalizantskog staža, prostorne mogućnosti, te dostupnost stomatološkog materijala i medicinskih sredstava, lijekova, kao i drugog potrošnog materijala za obavljanje specijalizantskog staža.
- (6) Plan usvaja Dekan na osnovu iskazanih potreba klinika Fakulteta.

Član 4.

(Postupak dodjele i odobravanja specijalizacija)

(1) U skladu sa Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“, br. 75/20), te usvojenim godišnjim planom potrebnih specijalizacija, a nakon donošenja Odluke o odobravanju plana specijalizacija i subspecijalizacija za područje Kantona Sarajevo na godišnjem nivou, stiču se uvjeti za javno oglašavanje dodjele specijalizacija za potrebe Fakulteta u sredstvima javnog informisanja i na web stranici Fakulteta.

(2) Konkurs mora sadržavati najmanje sljedeće elemente: naznačenje zakonskog osnova za raspisivanje javnog oglasa, odnosno broja i datuma Odluke o odobravanju plana specijalizacija i subspecijalizacija za područje Kantona Sarajevo na godišnjem nivou donijete od Federalnog ministarstva zdravstva, naznačenje naziva i sjedišta zdravstvene ustanove koja raspisuje specijalizaciju, naziv specijalizacije, broj kandidata koji se primaju na specijalizaciju, uvjete koje specijalizanti moraju ispuniti saglasno članu 154. stav 1. Zakona o zdravstvenoj zaštiti, a u vezi sa članom 12. Pravilnika o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“, br. 75/20), dokazi koji se podnose s ciljem dokazivanja ispunjavanja propisanih uvjeta, kao i krajnji rok za podnošenje prijava.

Konkurs se objavljuje u jednom dnevnom listu koji se prodaje na cijelom teritoriju Federacije BiH, a u smislu člana 5. stav (1) Pravilnika o kriterijima za prijem specijalizanata, te na web stranici Fakulteta.

(3) Provođenje postupka dodjele i odobravanja specijalizacija vršit će se u skladu sa Zakonom o zdravstvenoj zaštiti („Službene novine Federacije BiH“, br. 46/10 i 75/13), Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“, br. 75/20), Planom i programom specijalizacija za doktore stomatologije, Pravilnikom o kriterijima za prijem specijalizanata („Službene novine Federacije BiH, br. 102/13 i 55/14).

III POSTUPAK PRIJEMA SPECIJALIZANATA NA OBAVLJANJE SPECIJALIZANTSKOG STAŽA IZ DRUGE ZDRAVSTVENE USTANOVE ILI PRIVATNE PRAKSE I SPECIJALIZANATA KOJI SE PRIJAVLJUJU NA LIČNI ZAHTJEV

Član 5.

(Prijave za specijalizantski staž)

(1) Za kandidate, koji se upućuju na obavljanje specijalizantskog staža od strane druge zdravstvene ustanove ili privatne prakse i specijalizante koji se prijavljuju na lični zahtjev, potrebno je dostaviti

molbu za odobrenje specijalizantskog staža na Protokol Univerziteta u Sarajevu - Stomatološkog fakulteta sa stomatološkim kliničkim centrom, Bolnička 4a , Sarajevo ili putem pošte.

U molbi je potrebno naznačiti oblast za koju se kandidat prijavljuje i dostaviti sljedeću dokumentaciju potrebnu za utvrđivanje liste kandidata za prijem na specijalizantski staž za tekuću godinu:

- Biografiju sa bibliografijom,
- Ispis ocjena na dodiplomskom studiju,
- Uvjerenje o položenom stručnom ispitu,
- Dokaz o poznavanju engleskog jezika,
- Dokaz o poznavanju rada na računaru i osnovnih informatičkih tehnika,
- Ostala dokumentacija kojom kandidati pokazuju sklonost za navedenu oblast (dokazuje se diplomama i certifikatima ovlaštenih institucija za stručne edukacije iz oblasti specijalizacije).

(2) Prijave se prihvataju do 1. juna za tekuću godinu, a saglasnosti se izdaju najkasnije do 31. jula za početak obavljanja specijalizantskog staža od 01. oktobra tekuće godine.

(3) Kandidati koji u jednoj godini nisu dobili saglasnost potrebno je da se ponovo prijave u narednoj godini.

(4) Kandidati se u toku jedne godine mogu prijaviti za staž iz jedne specijalističke oblasti.

(5) Broj specijalizanata na klinikama za tekuću godinu se određuje u skladu sa kapacitetima kadra i opreme Fakulteta, što podrazumjeva raspoloživi stručni kadar, opremu, broj glavnih mentora i komentora, specijalista, te drugog osoblja potrebnog za obavljanje specijalizantskog staža, prostorne mogućnosti, te dostupnost stomatološkog materijala i medicinskih sredstava, lijekova, kao i drugog potrošnog materijala za obavljanje specijalizantskog staža.

(7) U slučaju da je broj prijavljenih kandidata za specijalizantski staž za tekuću godinu veći od broja koji se određuje u skladu sa kapacitetima kadra i opreme Fakulteta za tekuću godinu, redoslijed kandidata pravit će se na osnovu ostvarenih bodova, a u skladu sa kriterijima iz člana 6. stav (2) ovog Pravilnika.

(8) Specijalizant započinje sa obavljanjem specijalizantskog staža u roku od 30 dana od dana prijema rješenja o odobrenju specijalizacije.

Član 6.

(Kriteriji za prijem specijalizanata na specijalizantski staž)

(1) Nakon isteka roka za prijave kandidata za tekuću godinu, dokumentacija se dostavlja šefu Klinike koji sa glavnim mentorima utvrđuje listu kandidata u skladu sa bodovnim kriterijima i brojem mjesta na klinici za tekuću godinu u skladu sa članom 5. ovog Pravilnika.

Tabela sa kriterijima za bodovanje je sastavni dio ovog Pravilnika (PRILOG).

(2) Kriteriji i skala za bodovanje:

- Prosjek ocjena na integrisanom/dodiplomskom studiju

- od 10-9 = 5 bodova
- od 8-9 = 3 boda
- od 7-8 = 2 boda
- od 6-7= 1 bod

- Prosjek predmetnih ocjena iz oblasti specijalizacije

- od 10-9 = 5 bodova
- od 8-9 = 3 boda
- od 7-8 = 2 boda
- od 6-7= 1 bod

- Poznavanje engleskog jezika

- napredno = 2 boda
- osnovno =1 bod

- Rad na računaru i informatičke tehnologije

- napredno = 2 boda
- osnovno = 1 bod

- Broj godina nakon položenog stručnog ispita

- do 5 godina = 5 bodova
- od 6-10 godina = 3 boda
- od 11-15 godina = 1 bod

- Stručno usavršavanje iz predmetne specijalističke oblasti = 1 bod (dokazuje se diplomama i certifikatima ovlaštenih institucija za stručne edukacije iz oblasti specijalizacije)

Maksimalan broj bodova je 20.

IV PRELAZNE I ZAVRŠNE ODREDBE

Član 7.

(Primjena relevantnih propisa)

Na sva pitanja koja nisu uređena ovim Pravilnikom, shodno se primjenjuju odredbe Zakona o zdravstvenoj zaštiti ("Službene novine Federacije BiH", br. 46/10 i 75/13), Pravilnika o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“, br. 75/20) i Plana i programa specijalizacija za doktore stomatologije, Pravilnika o kriterijima za prijem specijalizanata („Službene novine Federacije BiH“, br. 102/13 i 55/14), te drugi pozitivno-pravni propisi kojima se uređuju specijalizacije zdravstvenih radnika.

Član 8.

(Izmjena i dopuna Pravilnika)

Izmjene i dopune ovog Pravilnika vrše se na način i po postupku utvrđenom za njegovo donošenje.

Član 9.

(Tumačenje Pravilnika)

Tumačenje odredaba ovog Pravilnika daje Vijeće Fakulteta.

Član 10.
(Stupanje na snagu)

Ovaj Pravilnik stupa na snagu danom donošenja i biti će objavljen na web stranici i oglasnoj ploči Fakulteta, a primjenjivaće se nakon dobijene saglasnosti Upravnog odbora Univerziteta u Sarajevu.

Broj:01-4-2-65-3/2023

Sarajevo, 08.12.2023. godine



PRILOG: Kriteriji i način bodovanja prijave kandidata za specijalistički staž

IME I PREZIME KANDIDATA:		OBLAST SPECIJALIZACIJE:
Kriterij	Skala bodovanja	Bodovi kandidata
Prosjek ocjena na integrisanom/dodiplomskom studiju	<ul style="list-style-type: none">- od 10-9 = 5 bodova- od 8-9 = 3 boda- od 7-8 = 2 boda- od 6-7= 1 bod	
Prosjek predmetnih ocjena iz oblasti specijalizacije	<ul style="list-style-type: none">- od 10 do 9 = 5 bodova- od 8-9 = 3 boda- od 7-8 = 2 boda- od 6-7= 1 bod	
Poznavanje engleskog jezika	<ul style="list-style-type: none">- osnovni = 1 bod- napredni = 2 boda	
Rad na računaru i informatičke tehnologije	<ul style="list-style-type: none">- osnovno = 1 bod- napredno = 2 boda	
Broj godina nakon položenog stručnog ispita	<ul style="list-style-type: none">- do 5 godina = 5 bodova- od 6 do 10 godina = 3 boda- od 11-15 godina = 1 bod	
Stručno usavršavanje iz predmetne specijalističke oblasti	<ul style="list-style-type: none">- 1 bod	
UKUPNO BODOVA :		